

DECRETO DA ALCALDÍA**ASUNTO:** CONCESIÓN DE SUBVENCIÓN NOMINATIVA AO BERTAMIRANS FC TEMPADA 2019-2020**EXPEDIENTE:** 5730/2020**ANTECEDENTES:**

Primeiro.- En data 1/11/2020, D. José Manuel Dacosta Calviño con DNI 33248907S, en representación do Milladoiro SD, nif G15792401, ven de presentar a correspondente solicitude dunha achega nominativa de 12.940 € para o desenvolvemento do proxecto sinalado no encabezamento do citado escrito, xuntando á mesma documentación xustificativa da realización do proxecto para o que solicita a colaboración financeira do Concello.

Segundo.- O Milladoiro SD ten como obxectivo iniciar aos nenos/as da localidade do Milladoiro e arredores na práctica deportiva regular para que collan hábitos saudables e adquiran valores positivos relacionados co deporte. O Milladoiro SD imparte formación deportiva a máis de 250 nenos, englobados nas modalidades de fútbol 11, fútbol 8 e fútbol sala e nas categorías sénior, xuvenil, cadete, infantil, alevín, benxamín e prebenxamín. A parte desta formación, o Milladoiro SD organiza un amplo número de actividades, tanto de lecer coma formativas, como son o campus de formación de porteiros e a organización dun Campus de fútbol de verán.

O plan estratéxico de subvencións para o periodo 2020-2022 recolle esta subvención:

PLAN ESTRATÉXICO DE SUBVENCIÓNS DO CONCELLO DE AMES. PERÍODO 2020-2021-2022				
	LIÑA DE SUBVENCIÓ N	CUSTE ANUAL PREVISTO 2020	CUSTE ANUAL PREVISTO 2021	CUSTE ANUAL PREVISTO 2022
SUBVENCIÓNS EN MATERIA DE DEPORTES	Subvención Milladoiro SD	13.000 €	13.000 €	13.000 €

Así mesmo, as bases de execución do orzamento no seu punto 41.d fan referencia á subvención nominativa para a entidade.

Da documentación aportada derívase o cumprimento por parte da entidade dos requisitos establecidos para acceder á condición de beneficiario dunha achega pública, nos termos establecidos no artigo 13 da Lei 38/03, de 17 de novembro, xeral de subvencións, e 9 da Lei 9/07, de 13 de xuño, de subvencións de Galicia.

Terceiro.- Dentro do noso termo municipal e na localidade do Milladoiro, a única entidade que pode desenvolver a magnitude deste proxecto, que engloba as disciplinas de fútbol e fútbol sala, é o Milladoiro SD, xa que esta entidade conta coa estrutura necesaria para o desenvolvemento do mesmo. Esta estrutura engloba unha serie de recursos, tanto materiais como humanos, necesarios para levar a cabo a oferta deportiva que necesita esta poboación.

Ademais, o proxecto para o que se pide a colaboración do Concello non se refire ao sostemento dunha actividade puntual, senón que é relacionado coa actividade ordinaria do club, cun gran valor social e educativo para a poboación na que actúa.

É por elo que o feito de financiar este proxecto que engloba, tanto un gran número de actividades coma un gran número de usuarios aos que se destina, a convocatoria ordinaria de achegas supón unha incertidume (ao concederse en concorrencia con outras entidades) que podería afectar á realización do proxecto, non tan só este ano, senón a medio e longo prazo. Con esta axuda o que se pretende é establecer que o proxecto se poida manter no tempo e que se faga unha planificación das actividades a longo prazo.

Entre a documentación aportada pola entidade figura unha breve memoria da actividade xunto cunha realización de gastos por importe de 16.127,53 €. Así mesmo incorpóranse xustificantes de gasto que gardan todos eles relación directa ca realización da actividade a subvencionar.

Cuarto.- Os gastos refírense a tempada 2019-2020 (agosto 2019-xuño 2020), polo que o proxecto xa está rematado de aí que se considere mais adecuado que no mesmo acordo de concesión se realice a aprobación dos gastos da conta xustificativa e se ordene o seu pagamento.

Á vista da contía solicitada e xustificada, o coeficiente de financiamento da achega municipal é superior ao 80 % sinalado na base de execución do orzamento nº 41.d, polo tanto, vese necesario reducir o importe da achega proposta tendo en conta o porcentaxe xustificado:

Importe da achega proposta	CF máximo	Gasto mínimo a executar pola entidade para a concesión da achega máxima	Gasto ao que ascende o proxecto	Coeficiente de financiamento
12.902,02 €	80,00%	16.250 €	16.127,53 €	80,00 %

Quinto.- Consta que a entidade beneficiaria conta con outras achegas públicas para o financiamento deste gasto (Xunta de Galicia: 1.680,49 €)

Consta no expediente informe da interventora municipal.

En base ao anterior, e vistos os informes favorables do órgano xestor tanto á documentación que integra a solicitude de achega como á xustificación da actividade realizada, e actuando en uso das atribucións conferidas polo artigo 21.1 da Lei 7/85, de 2 de abril, reguladora das bases do réxime local, esta alcaldía **RESOLVE:**

Primeiro.- Conceder unha subvención nominativa por importe de 12.902,02 € ao Milladoiro SD con CIF G-15792401, para o financiamento do desenvolvemento das actividades deportivas durante a tempada 2019-2020 (agosto 2019-xuño 2020) na localidade do Milladoiro, segundo a memoria anexa á solicitude aportada pola entidade. E aprobar e dispor o gasto con cargo a aplicación 341 489.25 do orzamento municipal en vigor de acordo co seguinte:

1.1	OBXECTO	Colaboración no desenvolvemento do proxecto denominado "DESENVOLVEMENTO DE ACTIVIDADES DEPORTIVAS NA LOCALIDADE DO MILLADOIRO TEMPADA 2019-2020 (agosto 2019-xuño 2020)", nos termos que se indican a continuación, e que constan na memoria aportado polo beneficiario que figura no expediente.
1.2	CARÁCTER NOMINATIVO DA ACHEGA	Dentro do noso termo municipal e na localidade do Milladoiro, a única entidade que pode desenvolver a magnitude deste proxecto, que engloba as disciplinas de fútbol e fútbol sala, é o Milladoiro SD, xa que esta entidade conta coa estrutura necesaria para o

		<p>desenvolvemento do mesmo. Esta estrutura engloba unha serie de recursos, tanto materiais como humanos, necesarios para levar a cabo a oferta deportiva que necesita esta poboación. .</p> <p>Ademais, o proxecto para o que se pide a colaboración do Concello non se refire ao sostemento dunha actividade puntual, senón que é relacionado coa actividade ordinaria do club, cun gran valor social e educativo para a poboación na que actúa.</p> <p>É por elo que o feito de financiar este proxecto que engloba, tanto un gran número de actividades coma un gran número de usuarios aos que se destina, a convocatoria ordinaria de achegas supón unha incertidume (ao concederse en concorrència con outras entidades) que podería afectar á realización do proxecto, non tan só este ano, senón a medio e longo prazo. Con esta axuda o que se pretende é establecer que o proxecto se poida manter no tempo e que se faga unha planificación das actividades a longo prazo.</p>										
1.3	PERÍODO SUBVENCIONABLE	<p>O proxecto subvencionado desenvolveuse dentro do seguinte período e este será o período subvencionable:</p> <table><tr><td>Inicio</td><td>Agosto de 2019</td></tr><tr><td>Remate</td><td>Xuño 2020</td></tr></table>	Inicio	Agosto de 2019	Remate	Xuño 2020						
Inicio	Agosto de 2019											
Remate	Xuño 2020											
1.4.	IMPORTE DA ACHEGA CONCEDIDA.	O importe da achega municipal é de 12.902,02 € euros €.										
1.5	CRÉDITO ORZAMENTARIO DE IMPUTACIÓN DO GASTO.	O gasto derivado deste convenio resulta imputable á aplicación orzamentaria 341 489.25 do vixente orzamento municipal, no que existe crédito axeitado e suficiente para a súa atención.										
1.6	ORZAMENTO SUBVENCIONADO.	O proxecto subvencionado ascende a un importe de 16.127,53 € (orzamento subvencionado). E os gastos subvencionados serán todos aqueles relacionados coa práctica deportiva do club (arbitraxes, mutualidades e demais gastos relacionados co funcionamento do Club)										
1.7	COEFICIENTE FINANCIAMENTO DE	<p>Defínese o coeficiente de financiamento como o cociente existente entre a achega concedida e o orzamento subvencionado.</p> <p>O coeficiente de financiamento da achega articulada a través deste convenio será do 69,93%.</p> <table><tr><td>Importe da achega proposta</td><td>CF máximo</td><td>Gasto mínimo a executar pola entidade para a concesión da achega máxima</td><td>Gasto ao que ascende o proxecto</td><td>Coeficiente de financiamento</td></tr><tr><td>12.902,02 €</td><td>80,00%</td><td>16.250 €</td><td>16.127,53 €</td><td>80 %</td></tr></table>	Importe da achega proposta	CF máximo	Gasto mínimo a executar pola entidade para a concesión da achega máxima	Gasto ao que ascende o proxecto	Coeficiente de financiamento	12.902,02 €	80,00%	16.250 €	16.127,53 €	80 %
Importe da achega proposta	CF máximo	Gasto mínimo a executar pola entidade para a concesión da achega máxima	Gasto ao que ascende o proxecto	Coeficiente de financiamento								
12.902,02 €	80,00%	16.250 €	16.127,53 €	80 %								
1.8	COMPATIBILIDADE CON OUTRAS ACHEGAS.	A subvención prevista neste Convenio é compatible coa percepción doutras subvencións ou axudas, públicas ou privadas, que a entidade beneficiaria puidera obter para a mesma finalidade, sempre que o seu importe, xuntamente co da subvención municipal, non exceda do gasto xustificado. En caso de que isto suceda, a subvención municipal experimentará a correspondente redución, ate dar cumprimento a tal límite.										
1.9	PAGAMENTO DA SUBVENCIÓN.	<p>O Concello abonará no prazo máximo de dous meses desde a adopción do presente acordo, no que tamén se aproba a conta xustificativa presentada polo beneficiario.</p> <p>Para o cobro da subvención a entidade beneficiaria deberá estar ao corrente das súas obrigas tributarias, coa Seguridade Social e co Concello de Ames.</p>										
1.10	INFRACCIÓNS	O beneficiario quedará sometido ás responsabilidades e réxime										

		<p>sancionador disposto na Lei Xeral de Subvencións e, se é o caso, ao disposto no Código Penal (Lei Orgánica 10/85).</p> <p>Será de aplicación o réxime sancionador previsto no Título IV da Lei 38/2003, xeral de subvencións, desenvolto polo Título IV do Regulamento da citada Lei.</p>
1.11	REINTEGRO	As subvencións serán reintegradas nos supostos previstos no artigo 37 da Lei 38/2003 de 17 de novembro.
1.12	CONTROIS	<p>O beneficiario queda sometido aos procedementos de control ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo</p> <p>Para os efectos previstos no artigo 75.3 do RD 887/2006, de 21 de xullo, polo que se aproba o Regulamento da Lei Xeral de Subvencións, a comprobación das achegas concedidas levarase a cabo do seguinte xeito:</p> <p><u>NÚMERO TOTAL DE EXPEDIENTES OBXECTO DE REVISIÓN.</u></p> <p>Numeraranse as subvención nominativas concedidas no exercicio por orde de entrada. Seleccionarase un 50% das subvencións concedidas. A cantidade así obtida será redondeada ao exceso ata acadar un número enteiro. O número de expedientes que se revisen non será nunca inferior a dous.</p> <p><u>EXPEDIENTES OBXECTO DE REVISIÓN.</u></p> <p>Os expedientes concretos obxecto de revisión serán seleccionados do seguinte xeito:</p> <ol style="list-style-type: none"> A solicitude presentada en último lugar será revisada sempre. Os demais expedientes que se revisen serán os consecutivamente anteriores ao indicado no anterior apartado.
1.13	PUBLICIDADE	<p>Os beneficiarios deberán dar a adecuada publicidade do carácter público do financiamento de programas, actividades, investimentos ou actuacións de calquera tipo que sexan obxecto de subvención, unha vez comunicada a resolución da concesión conforme ao establecido na Lei Xeral de Subvencións e aos seguintes aspectos.</p> <p>As medidas de difusión do cofinanciamento deben consistir na inclusión da imaxe institucional do Concello, así como lendas relativas ao financiamento público en carteis, placas conmemorativas, materiais impresos, medios electrónicos ou audiovisuais, equipamento e mobiliario ou ben en mencións realizadas en medios de comunicación.</p> <p>Cando o programa, actividade, investimento ou actuación gozase doutras fontes de financiamento e o beneficiario viñese obrigado a dar publicidade desta circunstancia, os medios de difusión da subvención concedida así como a súa relevancia deberán ser análogos aos empregados respecto das outras fontes de financiamento.</p>

Segundo.- Tendo en conta que o beneficiario presenta xustificación da subvención coa solicitude aprobar a conta xustificativa presentada polo Milladoiro SD de acordo co seguinte:

Importe máximo a conceder	Importe mínimo a xustificar	Gasto xustificado Imputable á subvención	Importe subvención
13.000 €	16.250 €	16.127,53 €	12.902,02 €

Terceiro.- Aprobar, dispoñer o gasto e recoñecer obrigas por importe de 12.902,02 € con cargo á aplicación orzamentaria 341 489.25 do orzamento municipal en vigor.

TERCEIRO (CIF)	MILLADOIRO SD (G-15792401)
OBXECTO SUBVENCIÓN NOMINATIVA	Gastos tempada 2019/20 (agosto 2019-xullo 2020)
Importe concedido	12.902,02 €

Cuarto.- Ordenar o pagamento por importe de 12.902,02 € €, condicionado a que o beneficiario se atope ao corrente das súas obrigas tributarias e coa da Seguridade Social.

Quinto.- O beneficiario queda suxeito ás seguintes obrigas:

- Someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo.
- Comunicar ao Concello a obtención doutras subvencións, axudas, ingresos ou recursos que financien a actividade subvencionada.

Quinto.-: Para os efectos da salvagarda do dereito do beneficiario á protección dos seus datos de carácter persoal, nos termos previstos na Lei orgánica 15/1999, de 13 de decembro, de protección de datos de carácter persoal, faise constar que os datos das subvencións concedidas quedarán incorporados ao rexistros públicos de subvencións, nos seguintes termos:

En cumprimento do disposto no artigo 20.1 da Lei 38/2003, Xeral de Subvenciones e demais normativa de desenvolvemento, os datos da subvención concedida y a identificación do beneficiario serán remitidas á Intervención Xeral do Estado, para que sexan incorporados á Base de Datos Nacional de Subvencións, ca exclusiva finalidade prevista en dito precepto.

Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencións de Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

Faise constar igualmente que a publicidade posterior que se dará ás subvencións outorgadas (na páxina de internet do Concello e Base de Datos nacional de subvencións) publicitarase con arranxo ao previsto nas normas de xeral aplicación.

O responsable do tratamento dos datos que consten no expediente de convocatoria destas axudas é o Concello de Ames. Os datos serán tratados coa finalidade específica, da convocatoria de axudas para a promoción de actividades levadas a cabo por clubs e asociacións deportivas do Concello de Ames no exercicio 2018, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal e demais disposicións de aplicación.

A lexitimación do tratamento está baseada no consentimento manifestado coa solicitude de participación das asociacións interesadas nesta convocatoria de axudas.

O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.



Os datos solicitados unicamente serán obxecto de cesión, no seu caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante o Delegado de Protección de Datos do Concello no enderezo electrónico dpd@concellodeames.gal.

O Alcalde

A Secretaria.

José M. Miñones Conde

Rosa Ana Prada Queipo.

HASH DO CERTIFICADO:
EEEBD3F690B036D79D504E7E4EC7C1EE2A8C13
DF5404BF53C68ABC5CAD316831A64E219B37FA9

POSTO DE TRABALLO:
Alcalde
Secretaria

NOME:
MINONES CONDE, JOSE MANUEL
PRADA QUEIPO, ROSA ANA

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC29FA410198CB8B84580

